






第一一三冊

四庫全書

● 上海古籍出版社

本冊目次

讀禮通考(二)

清徐乾學撰……………一

欽定四庫全書

經部

讀禮通考卷

三十八至
四十

詳校官監察御史臣劉淵

給事中臣溫常綬覆勘

總校官編修臣王燕緒

校對官編修臣吳裕德

謄錄監生臣陶必榕

欽定四庫全書

讀禮通考卷三十八 刑部尚書徐乾學撰

喪義節一

乾學案君子之於禮終身焉而已古者婦人

妊身則有胎教之禮將生子及月辰則有舉

子之禮子生三月則有命名之禮所以正人

道之始也疾病外內皆婦疾者養者皆齋男

子不死於婦人之手婦人不死於男子之手

欽定四庫全書

讀禮通考
卷三十八

所以正人道之終也若夫知學以來息養瞬

存造次顛沛罔敢或怠更可知矣故曰父母

全而生之子全而歸之戰戰兢兢如臨深淵

如履薄冰君子其敢一日忘此哉予述喪儀

節以疾病正終冠其首凡以為君子所兢兢

者亦不敢忽也儀禮十七篇喪居其四一曰

喪服二曰士喪禮三曰既夕禮四曰士虞禮

喪服一篇予已取為喪期餘三篇則皆儀節

也蓋其說為特詳昔朱子嘗以儀禮為經禮記為傳編為通解之書諸禮次第告成獨喪祭未竟勉齋黃氏續成之信齋楊氏又附圖焉予取兩家之章次益以後世之制薈萃成篇其說大約相同唯古禮設重溫公始易以魂帛襲斂之衣古多今少祔祭之禮溫公請祖主於廟並設影堂殯塗之禮朱子除之下宅告后土之禮古闕今備斯雖少異要皆無戾於古夫聖人之制喪禮也蓋欲為人子者順天道以事其親焉爾記曰骨肉斃於下陰為野土其氣發揚於上為昭明知形體之必有所終也則為之絞衾衾冒棺槨牆巽宅兆以安之壤樹以固之所以謹其襲藏者無非至也知魂氣之必有所託也故既葬迎精而返虞祔練祥吉祭而配於廟人道終而鬼道起矣三篇之制條目千端舉其大要不出乎

此自是以外世俗所為皆禮所不設也當世士大夫未嘗不用家禮而往往參以流俗間嘗論之古者喪禮不舉樂誠謂哀樂不同時亦欲致其嚴靜也今則盛奏軍樂震盪魂魄其失一矣古者喪次哭泣擗踊之外無他焉今多用浮屠老子之法謬稱資福於冥路實取喧雜為飾觀其失二矣古者三月而葬葬而卒哭今以七七百日為斷亦始於僧家其失三矣古者葬不擇日一以禮制為期今惑於陰陽拘忌每失之緩甚至未葬而除服其失四矣古之弔者車馬曰賻貨財曰贈衣被曰襚無以冥錙楮錢為弔者不知何自始其失五矣若夫推干戈以避煞神焚魂衣以代舉復案巫牒以招遊魂未練釋衰而謝慰殯旁張樂以驛賓皆失禮之尤者聊舉大端用破愚俗自非達於幽明之故通乎古今之變

者烏足以語此哉

疾病

既夕記士處適寢寢東首于北牖下注將有疾乃寢于通室疏凡記者

皆是經不具記之使充經文也通寢與通室一也若不疾則在燕寢東首者鄉生氣之所據謂之櫺必在北牖

下取十一月一陽生於北生氣之始故也

教經公曰適寢正寢也此云通寢明經所謂適室者為適寢之室爾

有疾疾者齊注正情性也適寢養者皆齊男女養疾皆齊

齊戒正情性也

欽定四庫全書

請禮通考卷三十八

教經公曰養者齊欲專心於所養者也

徹琴瑟注去樂疏君子無大故琴瑟不離其側今以父母有疾憂不在於樂故去之疾病外

內皆埽注為有賓客來徹褻衣加新衣注故衣垢汗為

疏徹褻衣據死者而言則生者亦去故衣服新衣矣褻衣謂故衣端新衣謂更加新朝服

教經公曰必易之者為不可使之服故衣以死也衣云齊見其非上衣然則新者亦非上衣矣上衣者朝

服玄端

御者四人皆坐持體注為不能自轉側御者今時侍從之人疏四體各一人士雖無臣

亦有侍御僕從之人終於其手也

教經公曰持體正其手足也

男女改服注為賓客來問病亦朝服庶人深衣屬續以俟絕氣注為其氣微難節也

續新絮疏續今之新絲易動搖置口鼻之上以為候

喪大記疾病外內皆埽君大夫徹縣士去琴瑟注凡音動人病

者欲靜也凡樂器天子宮縣諸侯軒縣大夫列縣士特縣去琴瑟者不命之士疏宮縣四面軒縣去其一面

判縣又去其一面特縣又去其一面寢東首於北牖下注為

視之時也病者恒居北牖下或為北牖下

李格非曰東首所以歸魂於陽北牖下所以反魄於陰使之各歸於真宅而已

欽定四庫全書

請禮通考卷三十八

廢牀徹褻衣加新衣體一人注廢去也人始生在地去牀庶其生氣反徹褻衣則

所加者新朝服矣加朝服者明其終於正也男女改服屬續以俟絕氣

曲禮父母有疾冠者不櫛行不翔注慶不為言也言不惰不在

私好情不琴瑟不御注慶不食肉不至變味飲酒不至

正之言變貌注愛不笈不至矧怒不至晉注慶在心難變也齒

疾止復故注自若常也疏食肉不至變味猶許食肉但不許多爾變味者少食則味不變多食則

變口味

陳澧曰此乃養父母疾之禮不櫛不為飾也不翔不為容也不惰不及他事也琴瑟不御以無樂意也猶

可食肉但不至厭飲而口味變爾猶可飲酒但不至
酸而顏色變爾齒本曰別笑而見則是大笑也
焉曰嘗怒而至嘗是甚
怒也皆為忘憂故成之

君有疾飲藥臣先嘗之親有疾飲藥子先嘗之

醫不三世不服其藥

物必無其微故宜戒之擇其父
子相承至三世是慎物調齊也

程子曰病卧於牀委之庸醫比之不慈不孝事親者

不可不知醫

喪服小記養有疾者不喪服遂以主其喪

欽定四庫全書

山也遂以主其喪謂養者有親也死則
當為之主其為主之服如素無喪服

之喪則不易已之喪服

素者喪服而來為主與素無服者異素
無服素有服為今死者當服亦皆三日成也

養卑者否

陳澧曰親屬無近親而遇疾者已往養之而身有喪
服則釋去其服恐其凶也若此疾者遂死既無主後

已既養之當遂主其喪蓋養者與死者有親也然亦
不著已之喪服非養者入主人之喪謂疾時不曾釋

服未致其養今死乃來主其
喪則亦不易去已之喪服

喪大記君於大夫疾三問之士疾一問之

雜記卿大夫疾君問之無算士壹問之

之此云無算謂有師保恩舊之親
三問謂君自行無算謂遣使也

論語子疾病子路請禱子曰有諸子路對曰有之誅曰

禱爾于上下神祇子曰丘之禱久矣

於神明故曰
丘之禱久矣

子疾病子路使門人為臣病間曰久矣哉由之行詐也

無臣而為有臣吾誰欺欺天乎且予與其死於臣之手

也無寧死於二三子之手乎且予縱不得大葬予死於

道路乎

融曰就使吾不得君臣禮莫有
二三子在吾憂棄於道路乎

疾君視之東首加朝服拖紳

紳大帶不敢不衣朝服見君
君來視則暫時還向南牖下東首今君得南面而視之

以病卧不能衣朝服大帶又不敢不衣朝服
見君故但加朝服於身又加大帶於上是禮也

曾子有疾孟敬子問之曾子言曰鳥之將死其鳴也哀

人之將死其言也善君子所貴乎道者三動容貌斯遠

暴慢矣正顏色斯近信矣出辭氣斯遠鄙倍矣遵豆之

事則有司存

注馬融曰孟敬子魯大夫仲孫捷也疏禮弓鄭注敬子式伯之子名捷

漢書蕭何傳何病上親自臨視何疾

張禹傳禹每病輒以起居閑車駕自臨問之

後漢書鄧禹傳禹寢疾帝數自臨問

吳漢傳漢病駕車駕親臨問

趙嘉傳嘉疾病帝親幸視

樊宏傳宏病困車駕臨視留宿

陰興傳興疾病帝親臨問

欽定四庫全書

續後漢書卷三十八

桓榮傳榮每疾病帝輒遣使者存問太官太醫相望於

道病篤上疏謝恩讓還爵土帝親臨其家焉及卒

擁經而前撫榮垂涕賜以牀茵帷帳刀劍衣被良久乃

去自是諸侯卿大夫問疾者不敢復乘車到門皆拜牀

下

乾學案尊師重道至於此極千載下讀之猶

為魄動況當日乎故東漢氣節獨盛然則尊

師重道之報不亦多乎

唐書高士廉傳士廉有疾帝即所舍問之疾甚帝幸其第為流涕

魏徵傳徵疾甚帝令中郎將宿其第動靜輒以聞藥膳

賜遺無算中使者綴道帝親問疾屏左右語終日乃還

段志玄傳志玄疾帝臨視及卒帝哭之慟

薛收傳收寢疾遣使臨問相望於道命輿疾至府親舉

袂撫之論叙生平感激涕泗及卒王

即太宗

哭之慟因遣

使弔祭贈帛三百段

欽定四庫全書

續後漢書卷三十八

杜淹傳淹疾帝為臨問

杜如晦傳如晦以疾辭職醫候之使道相屬及病甚詔

皇太子就問帝親至其家撫之哽塞及薨帝哭為慟

房玄齡傳玄齡疾甚帝命鑿苑垣以便候問親握手與

訣詔皇太子就省

李綱傳綱疾帝遣房玄齡至家存問

封德彝傳德彝遺疾卧尚書省帝親臨視命尚輦送還

第

馬周傳周病消渴連年帝幸翠微宮求勝地為構第每詔尚食具膳上使醫者視護躬為調藥太子問疾

岑文本傳文本至幽州抱病帝臨視流涕卒之夕帝聞夜嚴曰文本死所不忍聞命罷之

高季輔傳季輔疾歸第有詔以其兄號州刺史季通為宗正少卿視疾遣中使日候增損

崇紹傳紹病太宗親問之

開元禮皇帝遣使勞問諸王疾苦本司散下其禮所司

欽定四庫全書

禮儀通考

卷三十八

十

隨職共辦所司先於受勞問者第在大門外之右設使者便次南向又於庭中近北設使者位南向又於使者之南三丈所設主人位北向其府國寮屬並部列於庭中之左右國官在東府寮在西俱以北為上使者至受勞問者第大門外掌次者延入次使者及受勞問者皆服公服贊禮者引使者出次立於門西東面使二人奉制書案立於使者之南差退贊禮者引受勞問者出立於門東西向受勞問者再拜贊禮者引受勞問者先入

立於門內之右西向贊禮者引使者入就庭中位立持制案者立於其右贊禮者引受勞問者就庭中位北向

立持案者以案進使者前使者取制書持案者退復位使者稱有制受勞問者再拜贊禮者引受勞問者詣使者前受制書退復位再拜訖使者以下出又贊禮者引受勞問者隨出各即門外位受勞問者再拜訖贊禮者引使者以退就次又贊禮者引受勞問者入若受勞問者疾未問不堪受制則子弟代受如上儀問外祖父

欽定四庫全書

禮儀通考

卷三十八

十一

疾苦問皇后父疾苦問大臣疾苦皆與勞問諸王

禮同問都督刺史疾苦與大臣疾苦禮同其異者諸引導之官所以勞問州府有司充之

其使於京師者則謁者引導

問藩王疾苦與都督刺史同凡有勞問無正偏者皆

臨時約准上禮而為儀注問外祖母疾苦皇帝遣勞

問外祖母疾苦本司散下其禮所司隨職供辦內給事

一人為使者所司先於受勞問者第大門外之右設使

者便次南向又於內寢庭少北設使者位南向又於使

者位之南三丈所設受勞問者位北向使者至受勞問者大門外掌次者延入次使者服公服攝迎者亦公服使者出次立於門西東面給使二人奉制書案立於使者之南差退贊禮者引攝迎者出立於門東西面攝迎者再拜訖贊禮者引攝迎者先入立於門內之右西面內典引引使者入就內寢庭位持案者立於使者之右受勞問者服朝服女侍者引就庭中位立持案者以案進使者前使者取制書持案者退復位使者稱有制受勞問者再拜女侍者進詣使者前受制書退授受勞問者受勞問者又再拜內典引引使者以下出女侍者引受勞問者退贊禮者引攝迎者隨出各就門外位攝迎者再拜內典引引使者退即便次贊禮者引攝迎者入若受勞問者疾未間不堪受制則攝迎者於外堂之庭拜受制書如上禮其異者受制詣閤授女侍者受奉入授受勞問者

中宮問外祖父疾苦太皇太后皇太后皇后遣使勞問

欽定四庫全書

禮儀典
卷三十八

三

外祖父疾苦本司散下其禮所司隨職供辦以內給事

一人為使者所司先於受勞問者大門外之右設使

者次南向又於使者之位南三丈所設受勞問者位北

向使者至受勞問者大門外掌次者引入次使者及

受勞問者皆公服內典引引使者出次立於門西東向

給使二人奉制書案立於使者之南差退贊禮者引受

勞問者出立於門東西向受勞問者再拜贊禮者引受

勞問者先入立於門內之右西向內典引引使者入就

欽定四庫全書

禮儀典
卷三十八

三

庭中位立持案者立於其右贊禮者引受勞問者就庭

中位立持案者以案進使者前使者取制書持案者退

復位使者稱太皇太后若皇太后皇后有令受勞問者再拜贊

禮者引受勞問者進詣使者前受制書案退復位再拜

內典引引使者以下出贊禮者引受勞問者從出各即

外門位受勞問者再拜訖內典引引使者以下退舍便

次贊禮者引受勞問者入若受勞問者疾未間不堪受

令則子弟代受如上儀問諸王疾苦與問外祖父疾

苦禮同 太皇太后皇太后皇后勞問外祖母疾苦本

司散下其禮所司隨職供辦內給事一人為使者所司

先於受勞問者第大門外之右設使者次南向又於內

寢庭少北設使者位南向又於使者位南三丈所設受

勞問者位北向使者至受勞問者大門外掌次者引入次

使者公服攝迎者亦公服使者出次立於門西東向給

使二人奉令書案立於使者之南差退贊禮者引攝迎

者出立於門東西面攝迎者再拜贊禮者引攝迎者先

欽定四庫全書

禮部通考

卷三十八

入立於門內之右西面內典引引使者入就內寢庭位

立持案者立於使者之右受勞問者服朝服女侍者引

就庭中位立持案者以案進使者前使者取令書持案

者退位使者稱太皇太后_{若皇太后}有令受勞問者再拜

女侍者進詣使者前受令書退授受勞問者又再拜內

典引引使者引受勞問者退贊禮者引攝迎者隨出各

即門外位攝迎者再拜內典引引使者即便次贊禮者

引攝迎者入若受勞問者疾未問不堪受令則攝迎者

於外堂之庭拜受令書如上儀其異者受令書詣閣傳

付女侍者受之奉入授受勞問者 問諸妃主疾苦

問宗戚婦女疾苦有二條同勞問諸外祖母疾苦 凡

內侍之屬充使則內常侍以下準所慰勞者之尊卑準

約

東宮問諸王疾苦皇太子遣使勞問諸王疾苦本司散

下其禮所司隨職供辦所司先於受勞問者第大門外

之右設使者次南向又於庭中設使者位東向又於使

欽定四庫全書

禮部通考

卷三十八

者位之東三丈所設受勞問者位西向使者至受勞問

者第大門外掌次者引入次使者及受勞問者皆公服

贊禮者引使者出次立於門西東向給使二人奉令書案

立於使者之南差退贊禮者引受勞問者出立於門東

西向受勞問者再拜贊禮者引受勞問者先入立於門

內之右西面贊禮者引使者入就庭中位立持案者立

於其右贊禮者引受勞問者進就庭中位立持案者以

案進使者前使者取令書持案者退使者稱有令受勞

問者再拜贊禮者引受勞問者進詣使者前受令書退復位又再拜訖贊禮者引使者以下出又贊禮者引勞問者隨出各即門外位受勞問者再拜訖贊禮者引使者以下退舍便次又贊禮者引受勞問者入若受勞問者疾未愈不堪受令則子弟代受如上儀問外祖母疾苦本司散下其禮所司隨職供辦閹宦一人為使者所司先於受勞問者第大門外設使者次南向又於內寢庭西階前設使者位東向又於使者位東三丈所設受勞問者位西向使者至受勞問者大門外掌次者引入次使者公服攝迎者亦公服使者出次立於門東西面給使二人奉令書案立於使者之南差退贊禮者引攝迎者出立於門東西面攝迎者再拜贊禮者引攝迎者先入立於門內之右西面內典引引使者入就內寢庭位東面立給使奉令書案隨入立於使者之南差退受勞問者服朝服女侍者引就內寢庭位立於使者之右持案者以案進使者前使者取令書持案者退使

者稱有令受勞問者再拜女侍者進詣使者前受令書退授受勞問者受勞問者又再拜內典引引使者以下出女侍者引受勞問者退贊禮者引攝迎者隨出各就門外位攝迎者再拜內典引引使者退即便次贊禮者引攝迎者入若受勞問者疾未愈不堪受令書則攝迎者於外堂之庭拜受令書如上儀其異者受令書詣閤傳付女侍者女侍者受之奉入授受勞問者問妃主疾苦問妃母疾苦右兩件同勞問外祖母疾苦問師傅保疾苦問宗戚疾苦問上臺貴臣右三件同勞問諸王疾苦皇太子於諸王妃主以下疾苦其在家人親屬之禮率兩遣近侍勞問則主人受勞問者侍之亦從家人親屬之式不拜迎送及不為授受之禮唐書禮志凡問疾天子遣使者持節至其所位於庭使者南面持節在其東南主人北面再拜以受制書主人迎使者於門外使者東面主人西面再拜而入其問婦人之疾則受勞問者北面

宋史諸王公主宗室將軍以上有疾皆乘輿臨問如小疾在家或幸其第有至三四者其宮邸在禁中多不時而往唯宰相使相駙馬都尉疾亟幸其第或賜勞加禮焉建隆元年七月宰相范質有疾太祖親幸其第賜黃金銀絹有差開寶二年趙普有疾帝再往視賜銀器絹甚厚太平中鎮寧節度楊信久病瘡忽能言帝異之遽幸其第加賜資祥符三年鎮安節度使駙馬都尉石保吉疾亟帝將臨視其日大忌宰相言於禮非便遂遣內侍諭保吉明日臨省焉六月辛侍講學士邢昺第視疾賜白金千兩衣著千匹名藥一套熙寧七年詔頒新式凡臨幸問疾者賜銀絹宰臣及樞密使帶使相者二千五百兩匹樞密使使相二千兩匹知樞密院事參知政事樞密副使同知樞密院事宣徽使七百五十兩匹殿前都院事同簽書樞密院事宣徽使七百五十兩匹殿前都指揮使一千五百兩匹駙馬都尉任使相以下者二千五百兩匹任節度觀察留後以下者一千五百兩匹並

入內內侍省取賜

太常因革禮通禮皇帝問大臣等疾苦其禮遣使者持制書至疾者之門贊禮者引受疾者未問不堪受制則子弟代受太常新禮凡大臣有疾有乘輿幸其第以問者通禮皇帝遣使勞問諸王宗戚疾苦使者至受勞問者第使二人奉制書案立於使者之南使者稱有制受勞問者再拜受制書太常新禮國朝之制諸王公主宗室將軍以上每疾皆乘輿臨問小疾在假或乘輿幸其第其宮邸在禁中皆不時以往國朝會典天聖二年五月辛崇真資聖禪院視中國大長公主服慈正覺大師疾是日大長公主薨上後幸其院澆奠五年五月皇太后幸楚王元佐宮問疾是日薨上幸其宮臨奠

政和禮皇帝遣使問諸王以下疾前期有司於受勞問者之第於大門外設使者位於受勞問者之左

此有下
闕文

使者至贊者引入次使者及受勞問者皆公服贊者引

使者立於門西東向引受勞問者立於門東西向史二人以案奉詔書立於使者之南贊者曰拜受勞問者再拜贊者引受勞問者入就望闕位立史捧詔書案前行使者從之入就庭中位贊者贊使者搢笏取詔書執笏加詔書於笏上史以案退使者稱有詔受勞問者再拜使者宣詔書訖受勞問者又再拜贊者引使者及受勞問者少前相向各俛伏跪搢笏使者以詔書授受勞問者訖各執笏受勞問者加詔書於笏上各俛伏興復位贊者曰拜受勞問者再拜贊者引使者歸次受勞問者乃入若受勞問者疾未間不能親受則子弟代受如上儀 皇帝遣使問帝姬以下疾以內給事一人為使者前期有司於受勞問者之第大門外設使者次又於寢庭望闕設受勞問者位使者位於其前少北南向使者至內侍引入次使者公服女侍引受勞問者朝服出詣望闕位立內侍引使者出次給使二人以案奉詔書前行使者從之入就庭中位內侍贊使者搢笏取詔書執

笏加詔書於笏上給使捧案退使者稱有詔內侍曰拜受勞問者再拜宣訖又再拜女侍進詣使者前受詔書退授受勞問者訖內侍曰拜受勞問者再拜內侍引使者歸次受勞問者乃入若受勞問者疾未間不能親受則以女侍迎攝受詔書如上儀以所受詔書詣寢閣授之中宮遣使問諸王以下疾以內給事一人為使者前期有司於受勞問者之第大門外設使者次於庭中設受勞問者位北向使者位南向使者至贊者引入次使者及受勞問者皆公服贊者引使者立於門東西向給使二人以案奉令書立於使者之南贊者曰拜受勞問者再拜贊者引受勞問者入就庭中位贊者贊使者搢笏取令書執笏加令書於笏上給使捧案退使者稱有令受勞問者再拜讀訖又再拜贊者引使者及受勞問者少前相向各俛伏跪搢笏使者以令書授受勞問者訖各執笏受勞問者加令書於笏上各俛伏興復位贊者曰拜受勞問者再拜贊者引使者歸次受勞問者乃入

若受勞問者疾未間不能親受則子弟代受如上儀

中宮遣使問帝姬以下疾以內給事一人為使者前期有司於受勞問者之第大門外設使者次又於寢庭少北設使者位南向受勞問者位北向使者至內侍引入次使者公服訖女侍引受勞問者朝服出詣庭中位內侍引使者出次給使二人以案奉令書前行使者從之至庭中位內侍贊使者搢笏取令書執笏加令書於笏上給使以案退使者稱有令內侍曰拜受勞問者再拜

欽定四庫全書

禮儀典
卷三十八

五

讀訖又再拜女侍進詣使者前授令書退授受勞問者內侍曰拜受勞問者再拜內侍引使者歸次受勞問者乃入若受勞問者疾未間不能親受則以女侍迎攝受令書如上儀以所受令書詣寢閣授之

東宮遣使問諸王以下疾前期所司於受勞問者之第大門外設使者次又於庭中設受勞問者位西向使者位東向使者至贊者引入次使者及受勞問者皆公服贊者引使者立於門西東向引受勞問者立於門東西

向史二人以案奉令書立於使者之南贊者曰拜受勞

問者再拜贊者引受勞問者入就庭中位立史捧令書案前行使者從之入就庭中位贊者贊使者搢笏取令書執笏加令書於笏上史以案退使者稱有令贊者曰拜受勞問者再拜讀訖受勞問者又再拜贊者引使者及受勞問者少前相向各俛伏跪搢笏使者以令書授受勞問者訖各執笏受勞問者加令書於笏上各俛伏興復位贊者曰拜受勞問者再拜贊者引使者歸次受

欽定四庫全書

禮儀典
卷三十八

五

勞問者乃入若受勞問者疾未間不能親受則子弟代受如上儀東宮遣使問帝姬以下疾以內給事一人為使者前期有司於受勞問者之第大門外設使者次又於寢庭西階下設使者位東向受勞問者位西向使者至內侍引入次使者公服訖女侍引受勞問者朝服出詣庭中位立內侍引使者出次給使二人以案奉令書前行使者從之至庭中位內侍贊使者搢笏取令書執笏加令書於笏上給使以案退使者稱有令內侍曰

拜受勞問者再拜讀訖受勞問者又再拜女侍進詣使者前受令書退授受勞問者訖內侍曰拜受勞問者再拜內侍引使者歸次受勞問者乃入若受勞問者疾未間不能親受則以女侍迎攝受令書如上儀以所受令書詣寢閣授之其皇太子於諸王帝姬疾從家人親屬之禮遣近侍勞問則受勞問者待之亦從家人之禮無拜迎拜送與授受之禮

明集禮皇帝遣使問王公大臣疾病儀是日奉命至疾

者家攝受問者或尊長或子弟出接於大門外之右引禮引使

欽定四庫全書

禮禮通考卷三十八

者入至正廳東南面立引攝受問者入就廳下拜位北

向使者前稱有制贊禮唱鞠躬拜興拜興平身攝受者

鞠躬拜興拜興平身贊禮唱跪攝受問者跪使者宣制

曰皇帝聞某官某疾遣臣某勞問宣制畢贊禮唱俛伏

興拜興拜興平身攝受問者入告於病者出復命引禮

引使者出攝受問者送出於大門之外使者還奏如問

公主疾病則遣內侍監官禮同駙馬或子孫攝受問

讀禮通考卷三十八

欽定四庫全書

讀禮通考卷三十九

刑部尚書徐乾學撰

喪儀節二

正終

喪大記男子不死於婦人之手婦人不死於男子之手

注君子重終君夫人卒於路寢大夫世婦卒於適寢內

子未命則死於下室遷尸於寢士之妻皆死于寢注言死者

必皆於正處也疏諸侯三寢一正者曰路寢餘二曰小寢卒歸於正故在路寢也夫人亦有二正二小

欽定四庫全書

禮禮通考卷三十九

亦卒正者也適寢猶今廳事處也其制異諸侯大夫死

適寢其妻亦死適寢也大夫妻曰命婦而云世婦世婦

義是諸侯之次婦今明諸侯世婦尊與命婦敵故互言見

卿妻也未命則初死在下室至小敵後遷尸乃復還其

正寢士妻皆死于寢者亦各死其正室也夫妻俱然故

既夕記男子不絕於婦人之手婦人不絕於男子之手

注備喪疏疾時使御者持體并死于其乃行禱于五

祀注盡孝子之情五祀博言之士二祀曰門曰行疏